

興
京
縣
志

首 卷

興京縣志

卷首

目次

增修興京縣志序言

舊縣志序

增修縣志紀略

舊縣志纂修紀略

照片

增修縣志職員編輯姓名錄

例言

大事記

滿洲國建國宣言

詔書

增修縣志總目錄

興京縣地圖

增修興京縣志序

余長奉省之二年適興京增修縣志縣長張君耀東董其事既成將付梓而丐序於余余曰有心哉是舉也夫親民之官德政在民可以亘數十百年而無替其父老於酒酣耳熱之餘猶津津而樂道之況致意文獻信而有徵使後世披覽者可以按圖索驥其爲不朽盛事又豈僅數十百年之比哉考是縣之志初刊於民國十有四年爲縣宰沈蘇二君所纂修整齊故事辯章舊聞已翔實美備矣惟是時間十年事殊前載其治績日新月異之處當有須於秉筆者之記述是此次增修縣志網羅舊聞補苴罅漏其重要概可知也昔尼父言夏殷之禮而慨杞宋文獻之不足徵今觀此志詳瞻美備其爲足徵文

猷有功國史不既多乎東邊治安甫謚張君卽睠睠於斯可謂知所
先務矣庶績咸熙企予望之

十一年春奉天省長葆
康

李新驥二僕陳慶齡齊站車轡章甫聞曰限實笑謝矣新驥初聞
又豈料雖十百年之出處亦最難之志將既外矣圖十百四十年餘轉
經意文燭計而計還動於世世如雲萍何以對國家難其欲不泯然事
且幾十百年而難替其父志其所謂耳然之翁雖事終而樂復之則
甘林而事外余余曰吾心始是舉出夫難外之官難處亦何可以
余見於書之二事而與京師志相和神志相和吾願東董其事也

重修興京縣志序

縣之有志其來尙矣周禮小史掌邦國之志後世郡邑之志義蓋仿此而唐之元和郡縣志實爲歷代縣志之濫觴自是厥後縣皆有志纂修旣衆體例日嚴舉凡疆域之沿革戶口之登耗以及山川險阻物產盈虛與夫孝子仁人義夫節婦攸關政治風俗者無不兼收博採鉅細畢書蓋爲蒞官從政者資以借境用淑其治然則縣志之所關固不重哉興京向爲奉天東邊重鎮攷其爲縣則設治已久查其地勢則層巒環互戶口旣甚殷繁風俗尤稱敦厚而縣西方之虎欄哈達山皇清之永陵在焉崛起龍飛大業斯隆誠姬周之豐鎬劉漢之豐沛

也往昔雖有縣志之刊第閱多年未經增修頃者河山仍舊邦國聿新而疆域物產以及人文因時勢之變遷盖皆迥異於曩日是以原有志書急有待於修補增訂不可稍緩縣長張君文山蒞宰是邑積有歲年際茲政通人和百廢俱興深有感於桑梓原刊縣志之缺漏豈惟人文不彰并慮後之來者無所取資用是博訪耆老徵求故實本原志之體例補以前之缺漏事務覈實文求簡淨閱時未幾而新志卽削稿以成不獨從此文獻有徵無嘆杞宋則張君之用意亦深矣殺青旣竟徵序於余余學識謏陋第深欣張君知所先務又事關桑梓誼難固辭用書數語以弁篇首略述縣志之所關與重修之始末則知張君爲政尤爲世俗之所不可企及者也

康德三年二月邑人金名世謹序

事關三楚王民出入命各州縣將不可企及者也

興京縣志序

志與史同工而異曲然而古之作者輒右史而左志故志亦有時附史以行而史無附於志以行之者但欲攷一時一地一事一物治忽變遷之迹盈虛升降之數使當時有所循省後世有所觀鑒則舍志莫屬縣之有志卽周官方志之遺其所由來甚遠祇以吾邑僻在邊陲前誌成於倉卒疏略之處積年而增況在今日新國肇造百度更張昨日種種苟不及時著錄將益流失漸滅不知彰往何由察來縣志之亟待重修明達之士固同具此感焉慶章生長斯鄉某樹吾先人所植某山某水吾童子時所釣遊每當暑雨昏辰涼月曜夜予懷渺渺不能不時相往來祇以年來從政京奉日鞅掌於繁委之簿書

鄉井公誼之舉更不暇顧及今縣長張公損書遠賁以重修邑志脫稿相聞斯誠先得我心哉夫一朝之崛興必綜前代之事實著之於史者乃爲國家者所有事維自建國而後當道諸公日屏營於奠基創業諸大政修明補訂之事尙未有起而作之者各縣之志實爲史料之所取擇縣志之成抑亦他日作史之前臚然則吾縣之志能先奉省諸縣而首觀厥成者其功爲綦偉矣是爲序

康德三年一月 王育慶 撰

信史是徵

奉天省公署總務廳長

竹內德亥

興京縣志序

興京張文山大令以增修縣志剗削有期遠道書來屬爲一序洵盛舉也昔薛居正舊五代史時值風會之衰世多冗弱之誚歐陽永叔踵事更新然其所採尙多沿于薛史蓋體著別裁事仍舊貫也興京爲奉省名城原撰志稿脫於清季未逮付梓竟淪散佚厥後沈蘇兩令重申前議始獲成書訖今歲逾十稔政治改革時代遷易與夫文化交通之遞進商工實業之發展歷歷皆有可考拾遺增修允爲先務旣補往者之弗及兼作各縣之先導國計民生不無裨補開來繼往當益詳明則是書所繫固匪靳一邑之文獻已也予雖未窺全豹而深慶是書之及時觀成爰舉歐陽新史之例以爲言或亦文山大

令所樂聞乎是爲序

奉天省公署民政廳長劉負初

將刊而書之者又兼計各縣之志而後刊之也夫志者
 外交而之國而商工實業之變與利源之資而後
 令重中而編纂之書者今茲益十餘年而必革制升
 級本省各知縣志部列似部率未擬材料資備惜為
 難事更博然其利將出之於千軸也蓋雖善限隸事
 舉山昔輯五志正升史河而風會之變世之冗錄之
 興京張文山大令以修志志隨國言限最難書來風
 興京志序

興家釋志

興京縣志序

蓋聞尙書載累代之規形勢詳夫禹貢外史掌四方之志分職列於周官是以天下周知按圖可以索驥治亂能鑑考獻無待群書洎後歷代見重蔚然興起人才輩出紛然成篇國家有史地方有志凡山川之形勢疆域之廣狹政治之狀況民風之良否物產之豐絀人文之勝衰以竟委窮源之工收挈領提綱之效庶使觀政者得見一方之情狀圖治者得爲施政之稽攷甚矣哉縣志之爲重也惟各縣縣志雖記一時之勝況萬難爲永久之依據區劃時有改更人事歷有變嬗後之人應按時修纂俾適合現代否則徒具縣志之名而非現代之志實不足以資應用故縣志之應隨時增修也但修

志非易非有相當人才預籌底款不惟遺漏不免又恐難藏其事此縣志應修而未能修者比比是也

興京縣爲清代發祥之地陵廟所在山川靈秀民風樸厚爲奉省重地握東邊要路記其概畧原有縣志惟擇焉而不精語焉而不詳又況時異勢殊旣體裁之未備鼎新革故益事例之難沿興衰雖資比較名實頗有異同殘闕相仍陋畧已甚倘不及時修纂曷以垂示將來

張縣長耀東蒞任後閱縣志病其簡乃首唱增修并遴委人才體裁取人長以補短紀載廣搜羅而益富不主故常得徵實用史貴乎信筆貴乎正續前人漏列之篇重光盛典啓後人觀摩之念宣勞文風